

詒經精舍文集
一



詒經精舍文集

二



詁經精舍文集

三



詒經精舍文集
四



詁經精舍文集

五



詒經精舍文集

一

阮元訂

中華書局

詁經精舍文集

二

阮元訂

中華書局

詁經精舍文集

三

阮元訂

中華書局

詁經精舍文集

四

阮元訂

中華書局

詒經精舍文集

五

阮元訂

中華書局

叢書集成初編

詁經精舍文集 五冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新·版

開本：七八七乘一〇九二毫米三十二分之一

統一書號：一七〇一八·一五

詁經精舍文集序

吾浙夙稱人文淵藪。當國初時。若黃太沖、胡渭生、萬充宗之於經。萬季犛、吳志伊之於史。袁惠子、徐敬可之於算。張繡虎、朱錫鬯、姜西溟、查悔餘之於詩古文。竝流美方來。希風曩哲。繼之者全謝山、吳中林、杭菴浦諸先生。咸方聞博物。著述垂範。山川靈淑之氣。有所甚洩。必有所著。著之久且復洩。而風尚少靡。不能無待而興。吾師雲臺先生。以名世之德。爲人倫藻鑑。先是視學兩浙。以行誼經術厲士。士風曠然一變。既奉命鎮撫是邦。網舉目張。百爲具理。鯨鯢就戮。江海如砥。爰於湖壩立詁經精舍。祀許涑長、鄭司農兩先師。擇十一郡端謹之士。尤好古力學者萃處其中。相與講明雅訓。兼治詩古文辭。公暇親爲點定。并請王蘭泉、孫淵如兩先生爲之主講。閱二年。得文集若干卷。夫自漢以來二千餘年。治經之家。說經之書。莫可選計。聞見日積。聰明日新。近世通人所考正。往往粵漢儒所未發。何論孔陸宗彥嘗讀吾師研經室集。以今法推周幽王六年十月朔。正入食限。知毛傳爲是。鄭箋屬之厲王爲非。又以明堂、太廟、辟雍同地。爲上古世未備宮室之制。是以黃帝曰合宮。封禪泰山。亦上世大典禮。其時未有史策之文。朝覲之節。故七十二代之興。咸合諸侯於泰山下。以定天位。因刻石其上。以紀有天下之號。秦漢所爲。襲其名而未察其實也。斯竝神遊皇古。理衷前聖。鄭賈復生。無以易斯誼已。諸君幸承指授。師法宏遠。故能識精而思銳。不惑於

常解茲集所載於古今學術洞悉本原折衷無偏實事求是足以發明聖義輔翼經史其餘詩古文或咀六代之腴或挹三唐之秀風標曠上神韻超然蓋吾師因其質之所近以裁之而諸君亦各能以長自見覽斯集者猶探珠於滄瀛採玉於崑閬也諸君其益進而不已斬至古之立言者以稱吾師教育盛心庶幾國初前輩之風復見今日山川靈淑所洩其在斯乎其在斯乎

嘉慶六年紀歲辛酉太歲在未陽月甲辰朔德清許宗彥序

詁經精舍題名碑記

人材出於經術。通經由於訓詁。堯典契敷五教。皐陶謨言勅我五典。先儒訓典爲常。班史之志藝文。以五經配五常。蓋有所受。三代以來。賢臣諄切告誡。以稽古爲先。則曰汝曷弗念我古后之聞。曰是彝是訓。于帝其訓。曰宅心知訓。別求聞。由古先哲王。曰其稽我古人之德。周文王謚法解爾雅作焉。下逮春秋列國名臣。猶能稱述訓典。漢承秦滅學之後。廣求遺書。任用經術之士。時則有以春秋折獄。禹貢行河。洪範明災異者。大臣開閣延賓。文學侍從之臣。得與謀議辯論。中外相應以義理之文。故兩漢政治文學。于斯爲盛。魏晉已降。經義紊于王肅。卮言日出。而清談廢事之俗成。一變爲六朝靡麗之作。隋制工商不得入仕。始立進士科。然以律賦試士。未及振興古學。至唐兼立明經科。其試進士。以經策全通爲甲第。又廣立書學。試以說文字林。并及石經。其時在位通人。皆能撰述朝章國典。炳然可觀。北宋慶曆時。范文正公及富公韓公相繼執政。力復古學。學者知守古注疏。自劉敞王安石先後以新經義惑亂後進。併改明經爲進士一科。而北人之守訓詁者不能進用。世目明經之科同于學究而已。然至有元皇慶。猶詔令易書詩禮三傳用宋注之外。兼用古注疏。至明永樂間。胡廣等四書五經大全出。而經學遂微。自後掇科之士。率皆勦說雷同。習爲應舉之業。漢唐傳注從是束之高閣。我國家重熙累洽。久道化成。試士以四書文主試之。

有學術者兼擇五經文對策佳卷列爲高第殿試專以對策詞館課以詩賦猶恐經學之不明也既開博學鴻詞科復詔舉經學之儒授以館職其時卓然表見者有若毛氏奇齡朱氏彝尊胡氏朏明顧氏棟高惠氏士奇諸人著作彬彬列于大雅矣揚州阮雲臺先生先以閣部督學兩浙試士兼用經古學識拔高才生令其分撰經籍纂詁一書以觀唐已前經詁之會通及由少司農巡撫茲土遂于西湖之陽立詒經精舍祠祀漢儒許叔重鄭康成廩給諸生于上舍延王少寇昶及星衍爲之主講佐撫部授學于經舍焉其課士月一番三人者迭爲命題評文之主問以十三經三史疑義旁及小學天部地理算法詞章各聽搜討書傳條對以觀其識不用屬試糊名之法暇日聚徒講議服物典章辯難同異以附古人教學藏修游息之旨簡其藝之佳者刊爲詒經精舍文集既行于世不十年間上舍之士多致位通顯入玉堂進樞密出則建節而試士其餘登甲科舉成均牧民有善政及撰述成一家言者不可勝數東南人材之盛莫與爲比異時有令甲覓求經學之士或不至如劉歆所說國家有大事若立辟雍封禪巡狩之儀則幽冥而莫知其原施之有政庶幾通達治體亦不至有不學無術變亂舊章之患歟則中丞之好士在一時而樹人在數十年之後吾知上舍諸君子亦必束修自好力求有用之學以爲一代之不可少之人撫部公方歎歷中外建樹當不止此少寇老矣星衍又早衰將屈指同舍生立功立言之効不獨拭目登科之錄也夫浙東西與吳俱爲會稽郡延陵季子化行所及越紐載孔子奉雅琴從弟子以就勾踐子貢因爲內外

傳記其風士。或者謂此邦文物盛於南渡以後者。殆不然也。題名仿自漢碑陰。至唐而名山公府登科集宴之地。皆有記述之稿。所以考賢否而厲顧名之士也。今作題名記。書上舍生。因及撫部識拔之士。并纂述經詰之友與焉。後世必有思撫部好賢之政。而信吾文之不空作者。

賜進士及第山東督糧道陽湖孫星衍撰。詰經精舍生辛酉拔貢分發廣東知縣錢塘陳鴻壽書。

汪家禧 杭府

陳鴻壽 杭府

陳文述 杭府
名文杰

湯錫蕃 杭府

王仁 杭府

范景福 杭府

朱壬 杭府

方觀旭 杭府

重人傑 杭府

諸嘉樂 杭府

戈文耀 杭府

錢林 仁和原
名福林

胡敬 仁和

孫同元 仁和

金廷棟 仁和

陸堯春 仁和

趙春沂 仁和

趙坦 仁和

王述曾 仁和

宋咸熙 仁和

吳成勳 仁和

李方湛 仁和

陳嵩慶 錢塘原
名復亭

吳文健 錢塘

嚴杰 錢塘

蔣炯 錢塘

吳克勤 錢塘

周雲熾 仁和

周誥 錢塘

吳引年 錢塘原
名鄭

馮廷華 錢塘

馮學敏 錢塘

姜遂登 錢塘

姜寧 錢塘

查揆 海寧

鍾大源 海寧

朱軾之海寧

倪綬 海寧

謝江 嘉府

謝淮 嘉府

金衍緒嘉興府

胡金題嘉興

丁子復嘉興

李富孫嘉興

李遇孫嘉興

孫鳳起嘉善

沈爾振嘉善

吳東發海鹽

崔應榴海鹽

王純海鹽

吳曾貫石門

方廷珞石門

朱爲弼平湖

邵保初湖府

周中孚湖府

張鑑烏程

胡縉烏程

沈宸烏程

周聯奎烏程

施國祁烏程

孫曾美烏程

丁授經歸安

丁傳經歸安

楊鳳苞歸安

楊知新歸安

邵保和歸安

姚樟歸安

嚴元照歸安

徐養原德清

徐養灝德清

徐熊飛武康

張慧鄞縣

陶定山紹府

紀珩紹府

何蘭汀山陰

董璜山陰

顧廷綸會稽

何廷瀛會稽

王衍桻會稽

周師濂會稽

汪繼培蕭山

王端履蕭山

徐鯤蕭山

傅學瀛蕭山

周治平台府

洪頤煊臨海

洪震煊臨海

金鶚臨海

沈河斗臨海

施彬黃巖

張立本開化

吳傑山陰

以上詒經精舍講學之士九十二人。